

«JIZZAX AVTOMOBIL ZAVODI»

масъулияти чекланган жамияти

Ягона иштирокчисининг

2023 йил «20» феврал

15-сон қарори билан

«ТАСДИКЛАНГАН»



«JIZZAX AVTOMOBIL ZAVODI»

МАСЪУЛИЯТИ ЧЕКЛАНГАН ЖАМИЯТИНИНГ

УСТАВИ

(янги тахрирда)

Тошкент 2023

УМУМИЙ КОИДАЛАР

1.1. «JIZZAH AVTOMOBIL ZAVODI» Mas'uliyati Cheklangan Jamiyati (бундан буён матнда «Жамият» деб юритилади) мазкур Устави Ўзбекистан Республикасининг «Масъулияти чекланган ҳамда кушимча масъулиятли жамиятлар тугрисида»ги Қонуни ва бошқа қонун ҳужжатлари асосида ишлаб чиқилган.

1.2. Жамият ўз фаолияти давомида «Ўзавтосаноат» акциядорлик жамияти ва «ООО «UZAUTO COMMERCIAL VEHICLES MANAGEMENT»» МЧЖ томонидан қабул қилинган буйруқ, фармойиш ва бошқа ҳужжатларнинг ижросини амалган оширади.

1.3. Жамиятнинг Ягона иштирокчиси:

«UZAUTO COMMERCIAL VEHICLES MANAGEMENT» МЧЖ - 2020 йил «19» июн куни 861812-сонли реестр рақам билан давлат рўyxатидан утказилган, Самарқанд шаҳри, С.Бухорий шох кучаси, 5 уйда жойлашган, СТИР: 307 491 975.

1.4. Жамиятнинг тулик фирма номи:

Давлат тилида: «JIZZAX AVTOMOBIL ZAVODI» Mas'uliyati Cheklangan Jamiyati;

Рус тилида: Общество с ограниченной ответственностью «ДЖИЗАКСКИЙ АВТОМОБИЛЬНЫЙ ЗАВОД»;

Инглиз тилида: «JIZAKH AUTOMOBILE PLANT» Limited Liability Company.

Жамиятнинг кискартирилган фирма номи:

Давлат тилида: «JIZZAX AVTO» МЧЖ;

Рус тилида: ООО «ДЖИЗАК АВТО»;

Инглиз тилида: «JIZZAKH AUTO» LLC.

1.5. Жамиятнинг почта манзили: Ўзбекистан Республикаси, 100000, Ўзбекистан Республикаси, Тошкент шаҳри, Амир Темур шох кучаси, 13.

Жамиятнинг электрон почта манзили: info@jizzakhauto.uz

1.6. Жамият чекланмаган муддатга ташкил этилади.

I. ЖАМИЯТНИНГ ЮРИДИК МАКОМИ

2.1. Жамият Ўзбекистан Республикасининг қонун ҳужжатларига асосан юридик шахс ҳисобланади.

II. ЖАМИЯТНИНГ ФИЛИАЛЛАРИ ВА ВАКОЛАТХОНАЛАРИ

3.1. Жамият Ўзбекистан Республикасининг қонун ҳужжатлари талабларига мувофиқ ваколатхоналар ва филиаллар ва бошқа алоҳида бўлинмалар тузишга ҳақли.

III. ЖАМИЯТНИ ТАШКИЛ ЭТИШДАН МАКСАД ВА ФАОЛИЯТ ТУРЛАРИ

4.1. Жамиятни ташкил этишдан асосий мақсад иштирокчилар манфаатлари учун фойда олиш.

4.2. Жамиятни ташкил этишнинг асосий мақсади ишлаб чиқариш заводини барпо этиш орқали:

- Ётақчи жаҳон автомобиль ишлаб чиқарувчи компаниялар билан ҳамкорлик асосида Ўзбекистонда енгил тижорат автомобилларини ишлаб чиқариш, шунингдек Ўзбекистан ҳудудида ва бошқа ҳудудларда сотиш учун ривожлантиришдан;

- таъмирлаш, таъминлаш ва бошқа сотувдан кейинги хизматларни курсатиш учун келишилган эҳтиёт қисмларни етказишдан

- Ўзбекистан қонунчилигига мувофиқ Жамият томонидан ишлаб чиқариш тугаганидан сунг таъмирлаш, таъминлаш ва бошқа сотувдан кейинги хизматларни

курсатиш учун келишилган эхтиёт қисмларни етказишдан иборат.

қонун ҳужжатлари билан таққкланмаган бошқа ҳар қандай фаолият турлари.

4.3. Амалга оширилиши учун махсус рухсатнома (лицензия) талаб қилинадиган фаолият тегишли рухсатнома (лицензия) олингандан кейин амалга оширилади.

IV. ЯГОНА ИШТИРОКЧИНИНГ ХУКУК ВА МАЖБУРИЯТЛАРИ

5.1. Жамият Ягона иштирокчиси Ўзбекистан Республикасининг амалдаги қонун ҳужжатларида назарда тутилган ҳуқуқ ва мажбуриятларига эга.

V. ЖАМИЯТНИНГ МОЛ-МУЛКИ ВА МАБЛАЕЛАРИ

6.1. Жамият мустикал равишда узига тегишли мол-мулкдан фойдаланади.

6.2. Жамиятнинг мол-мулки:

- Ягона иштирокчининг улушидан;
- жамият фаолияти натижасида олинган фойдадан;
- Ўзбекистан Республикасининг амалдаги қонун ҳужжатлари билан таққкланмаган бошқа манбалардан шакллантирилади.

VI. ЖАМИЯТНИНГ УСТАВ ФОНДИ

7.1. Жамиятнинг ташкил этилиши ва фаолиятини амалга оширилиши учун Ягона иштирокчи 105 490 580 561,63 сум (бир юз беш миллиард турт юз туксон миллион беш юз саксон минг беш юз олтмиш бир минг сум олтмиш уч тийин) миқдорида устав фонди шакллантиради.

7.2. Ягона иштирокчининг устав фондидаги улуши қуйидагича:

- «UZAUTO COMMERCIAL VEHICLES MANAGEMENT» МЧЖ - 105 490 580 561,63 сум (бир юз беш миллиард турт юз туксон миллион беш юз саксон минг беш юз олтмиш бир минг сум олтмиш уч тийин), яъни 100 фоиз.

Ягона иштирокчи устав фондидаги улуши тулик киритилган.

7.4. Жамият Ягона иштирокчиси қарорига асосан устав фонддини Ўзбекистан Республикасининг амалдаги қонун ҳужжатларига асосан қупайтирилиши ёки қамайтирилиши мумкин.

VII. ЖАМИЯТ ИШТИРОКЧИСИНИНГ ЖАМИЯТ УСТАВ ФОНДИДАГИ УЛУШИНИНГ (УЛУШИ БИР ҚИСМИНИНГ) ЖАМИЯТНИНГ БОШҚА ИШТИРОКЧИЛАРИГА ВА УЧИНЧИ ШАХСЛАРГА УТИШИ

8.1. Жамият Ягона иштирокчиси жамиятнинг устав фондидаги уз улушини ёки улушининг қисмини ва учинчи шахсларга сотишга ёки бошқача шаклда уларнинг фойдасига воз кечилишга ҳақди.

8.2. Жамият устав фондидаги улушдан (улушнинг бир қисмидан) бошқа шахсининг фойдасига воз кечилиш, оддий ёзма шаклда амалга оширилиши қерак.

VIII. ХИСОБ ВА ХИСОБОТ

9.1. Жамият мустикал равишда бухгалтерия ҳисобини, статистика ва молиявий ҳисоботни қонун ҳужжатларида белгиланган тартибда амалга оширади.

9.2. Жамият мустикал равишда жамиятнинг ташкилий тузилмасини, штат жадалини ва меҳнатга ҳақ тулашни Ўзбекистон Республикаси қонун ҳужжатларига мувофиқ ҳал қилади.

9.3. Жамият фаолиятига оид ҳисоботларни қонунда белгиланган тартибда давлат органларига тақдим қилади.

IX. ЖАМИЯТНИНГ ЗАХИРА ВА БОШҚА ФОНДЛАРИ

10.1. Жамият устав фондининг 15 фоизи миқдорида захира фонди

шакллантиради. Хар йиллик ажратмалар миқдори захира фонди жамият устав фондининг 15 фоизига етгунига қадар жамият соф фойдасининг 5 фоизидан кам бўлмаган миқдорида, захира фонди жамият устав фондининг 15 фоизига етганидан кейин эса - жамият соф фойдасининг бир фоизидан кам бўлмаган миқдорда белгиланади.

10.2. Жамият бошқа фондларни ташкил этиши мумкин, агар бу Ўзбекистон Республикаси қонун ҳужжатлари билан тақиқланган бўлмаса.

X. ЖАМИЯТНИНГ БОШКАРУВ ОРГАНЛАРИ

11.1. Жамиятнинг бошқарув органлари бўлиб қуйидагилар белгиланади:

- Ягона иштирокчи — олий бошқарув органи;
- Бош директор - жамиятнинг яккабошчилик асосидаги ижро этувчи органи.

XI. ЯГОНА ИШТИРОКЧИ

12.1. Жамият Ягона иштирокчисининг мутлақ ваколатлари жумласига Ўзбекистон Республикасининг «Масъулияти чекланган ҳамда қушимча масъулиятли жамиятлар тугрисида»ги Қонуни ва бошқа қонун ҳужжатларида қурсатилган ваколатлардан ташқари (ёки инобатга олган ҳолда) қуйидагилар қиради:

- а) Жамиятнинг ташкилий тузилмасини тасдиқлаш;
- б) Жамият йиллик бизнес-режасини тасдиқлаш;
- в) Жамият мол-мулкни қарзга бериш, гаровга қуйиш, кафиллик билан таъминлаш, молиявий (хомийлик/хайрия) ёрдам қурсатиш, қучмас мулкни тасарруфдан чиқариш билан боғлиқ, бўлган битимларни тузиш бўйича ижро органига розилик бериш ҳақида қарор қабул қилиш;
- г) Жамият томонидан йирик битимни (жамиятнинг баланс қийматининг 15 фоизидан юқори) тузиш тугрисидаги қарор қабул қилиш;
- д) Жамиятнинг тижорат ва нотижорат бирлашмаларида иштирок этиши (аъзо бўлиши) тугрисида қарор қабул қилиш;
- е) Жамиятнинг захира ва бошқа фондларини тузиш, улардан фойдаланиш бўйича қарор қабул қилиш;

XII. ИЖРО ЭТУВЧИ ОРГАН

13.1. Жамиятнинг Бош директори Ягона иштирокчининг қарори билан бир йил муддатга сайланади.

13.2. Жамият ва Бош директор уртасидаги шартнома жамият номидан жамиятнинг Ягона иштирокчиси томонидан ваколат берилган шахс томонидан имзоланади.

13.3. Жамиятнинг Бош директори ваколатлари жумласига Ўзбекистон Республикасининг «Масъулияти чекланган ҳамда қушимча масъулиятли жамиятлар тугрисида»ги Қонуни ва бошқа қонун ҳужжатларида қурсатилган ваколатлардан ташқари (ёки инобатга олган ҳолда) қуйидагилар қиради:

- а) Уставнинг 13.1.- бандида қурсатилган ходимларни Ягона иштирокчи («UZAUTO COMMERCIAL VEHICLES MANAGEMENT» МЧЖ) ходимлар билан ишлаш бошқармаси) билан ёзма қелишилган ҳолда лавозимга тайинлаш ва лавозимидан озод этиш;
- б) Жамият номидан ходимлар билан жамоа шартномасини имзолаш;
- в) Жамият ишчиларнинг иш ҳақи миқдорини, уларга иш ҳақи ва бошқа туловлар тулаш тартибини белгиловчи ички ҳужжатларни тасдиқлаш;
- г) Жамият мол-мулкни қарзга бериш, гаровга қуйиш, кафиллик билан таъминлаш, молиявий (хомийлик/хайрия) ёрдам қурсатиш, қучмас мулкни тасарруфдан чиқариш билан боғлиқ бўлган битимларни тузиш учун Ягона иштирокчи розилигини олиш;

д) Ягона иштирокчига келгуси йилга бизнес-режани, Жамият молия-хужалик фаолияти балансини, чоракли ва йиллик ҳисоботларни, фойдани таксимлаш ва зарарларни коплаш буйича таклифларни тақдим этиш;

е) махфий маълумотлар руйхатини ва уни олиш тартибини аниклаш.

13.4. Бош директор Ягона иштирокчига ҳисобот беради ва унинг олдида жамият фаолиятининг амалга оширилиши ҳамда унга юклатилган вазифа ва топшириқдарнинг бажарилиши учун жавобгардир.

XIII. ЖАМИЯТ ФАОЛИЯТИ ЮЗАСИДАН НАЗОРАТ

14.1. Жамиятда алоҳида назорат килувчи органнинг тузилиши кузда тутилмаган.

14.2. Жамиятнинг молиявий-хужалик фаолияти устидан назорат Ягона иштирокчи ёхуд мустақил аудиторлик ташкилоти томонидан амалга оширилади.

XIV. ХОДИМЛАР

15.1. Жамият Бош директорининг уринбосарлари (ёки уларга тенглаштирилган лавозимлар) Ягона иштирокчи «UZAUTO COMMERCIAL VEHICLES MANAGEMENT» МЧЖ билан келишилган ҳолда ишга қабул қилинади.

XV. ИЧКИ АУДИТ ХИЗМАТИ

16.1. Ички аудит хизмати Компаниянинг ижроия органи ва таркибига қирувчи корхоналарда қонун ҳужжатларига, таъсис ҳужжатлари ва бошқа ҳужжатларга риоя этилишини, бухгалтерия ҳисоби ва молиявий ҳисоботларда маълумотларнинг тулик ҳамда тугри акс эттирилиши таъминланишини, ҳужалик операцияларини амалга оширишнинг белгиланган қоидалари ва тартибларига риоя этилишини, активларнинг сақланишини, шунингдек жамиятни бошқариш юзасидан қонун ҳужжатларида белгиланган талабларга риоя этилишини текшириш ва бу борада мониторинг олиб бориш орқали Компаниянинг ижроия органи ва унинг таркибига қирган корхоналарни ишини назорат қолади ҳамда баҳолайди.

16.2. Ички аудит хизмати уз фаолиятини Ўзбекистан Республикаси Вазирлар Маҳкамасининг 2006 йил 16 ноябридаги 215-сонли қарори билан тасдиқланган "Қорхоналардаги ички аудит хизмати тугрисида"ги Низомда белгиланган асосий вазифалар ва функцияларни бажаради, ҳуқуқларга эга ва мажбуриятларни ички аудит хизматида қуйилган талаблар асосида бажаради.

16.3. Ички аудитнинг асосий вазифалари, функциялари, ҳуқуқ ва мажбуриятлари, унга қуйиладиган талаблар ҳамда жавобгарлиги қонун ҳужжатлари билан белгиланади.

16.4. Ички аудит хизматини ташкил этиш ва унинг ходимларини тайинлаш Ягона иштирокчи томонидан амалга оширилади.

16.5. Ички аудит хизмати:

раҳбарини ва унинг ходимларини лавозимга тайинлаш ва эгаллаб турган лавозимидан озод этиш, уларга иш ҳақи миқдорини ва бошқа туловларни белгилаш Компания Ягона иштирокчининг қарорларига асосан амалга оширилади;

ички аудит утқазишга ва уни утқазиш натижалари буйича йигма ҳисоботни юқорида қайд қилинган низомда қуйилган талаблар асосида тузади;

ички аудит хизмати Ягона иштирокчига ҳисобдордир.

16.6. Ички аудит хизмати ходимлари узлари утқазган текширишлар натижалари бузиб қурсатилганлиги;

уларга тақдим этилган ёки улар томонидан хизмат вазифаларининг бажарилиши муносабати билан уларга маълум бўлган қорхонанинг сирини ташкил этадиган ахборотнинг махфийлигига риоя қилинмаганлиги;

олинган хужжатларнинг сакланиши ва кайтарилиши таъминланиши учун жавоб берадилар.

XVI. ЖАМИЯТНИНГ ТАФТИШЧИСИ

17.1. Жамият тафтиш комиссияси ташкил этилмайди

XVII. ЖАМИЯТНИНГ АУДИТОРЛИК ТЕКШИРУВИ

18.1. Молия хисоботлари тугрилигини, бухгалтерия хисобини юритиш тартибининг белгиланган талабларга мувофиқлигини текшириш учун Жамият Ягона иштирокчи қарорига биноан қонун ҳужжатларида белгиланган тартибда аудиторлик ташкилоти жалб этилади.

XVIII. ЖАМИЯТ ҲУЖЖАТЛАРИНИ САКЛАШ

19.1. Жамият, қуйидаги ҳужжатларни агар қонун ҳужжатларида бошқача қоида назарда тутилган бўлмаса Жамият фаолиятининг жами муддати мобайнида сақлаши шарт:

- Уставга киритилган ҳамда белгиланган тартибда рўйхатдан ўтказилган ўзгартишлар ва қўшимчалар;
- Жамият таъсисчилари йигилишининг Жамиятни ташкил этиш ва Жамиятнинг Устав фондига қўшилаётган пулсиз ҳиссаларнинг пул баҳосини тасдиқлаш тугрисидаги қарорни, шунингдек Жамиятни ташкил этиш билан боғлиқ; бошқа қарорларни ўз ичига олган баённомаси;
- Жамият давлат рўйхатидан ўтказилганлигини тасдиқловчи ҳужжат;
- Жамиятнинг ўз балансида турган мол-мулкка бўлган ҳуқуқини тасдиқловчи ҳужжатлар;
- Жамиятнинг филиаллари ва ваколатхоналари тугрисидаги Уставлар;
- Жамиятни ташкил этиш ва Жамиятнинг Устав фондига пул қуринишида бўлмаган улушларни пулда баҳолашни тасдиқлаш тугрисидаги Ягона иштирокчинини қарорларини, шунингдек Жамиятни ташкил этиш билан боғлиқ бўлган бошқа қарорларни;
- Жамият Ягона иштирокчининг, Жамиятнинг ижро этувчи органи баённомаларини;
- мустакил аудиторлик ташкилотлари ҳулосаларини;
- қонун ҳужжатларида назарда тутилган бошқа ҳужжатларни.

19.2. «Агарда амалдаги қонун ҳужжатлари билан бошқача қоидалар белгиланган бўлмаса, Жамият мазкур Уставнинг 20.1. бандида қўрсатиб ўтилган ҳужжатларни доимо сақлайди.

19.3. Жамият ўшбу Уставнинг 20.1. бандида назарда тутилган ҳужжатларни унинг ижроия органининг жойлашган манзили бўйича сақлайди.

XIX. ЖАМИЯТНИНГ ТИЖОРАТ СИРИ

20.1. Жамиятнинг тижорат сирини дейилганида тарқатилиши (бериш, ўзатиш) унинг манфаатларига зарар етказувчи, Жамиятни бошқариш, режалаштириш, молиялаштириш ва бошқа фаолияти билан боғлиқ бўлган услубий ахборот, маълумотлар тушунилади.

20.2. Ҳар бир ходим Жамиятнинг молиявий ва бошқа фаолияти билан боғлиқ бўлган ҳар қандай, шу жумладан тасодиқан олинган маълумотнинг тарқалиб кетмаслиги чораларини қўриши ва бундай ахборотнинг тарқатилишидан оғохлантириш шарт.

20.3. Тижорат сирини тарқатилган ҳолда Бош директор ахборотнинг тарқалишидан оғохлантириш учун барча чораларни қўради ҳамда айбдор шахсга нисбатан уни эгаллаб турган лавозимидан озод қилишгача бўлган чораларни

куллайди.

XX. ЖАМИЯТНИ КАЙТА ТАШКИЛ ЭТИШ ВА ТУГАТИШ

21.1. Жамиятни кайта ташкил этиш ёки тугатиш Ўзбекистон Республикаси Фукаролик кодексининг 49 – 55 моддаларида ва «Масъулияти чекланган ҳамда кушимча масъулиятли жамиятлар тугрисида» Ўзбекистон Республикаси Қонунининг 49—55-моддаларида назарда тутилган тартибда кайта ташкил этилади ёки тугатилади.

21.2. Жамиятни кайта ташкил этиш Ягона иштирокчи қарори бўйича қушиб юбориш, бирлаштириш, бўлиш, ажратиб чиқариш ва кайта тузиш шаклида амалга оширилади.

21.3. Жамиятни тугатиш Ягона иштирокчини қарори ёки Хужалик судининг қарори асосида амалга оширилади.

21.4. Жамиятни давлат рўйхатига олган томонидан ягона давлат реестрига тегишли ёзув қиритилган вақтдан бошлаб тугатиш тугалланган, Жамият эса ўз фаолиятини тугатган деб ҳисобланади.

XXI. НИЗОЛАРНИ ХАЛ КИЛИШ

22.1. Қелиб чиқадиган барча низо ва қелишмовчиликлар Ўставга асосан хал қилинади.

22.2. Низо ва қелишмовчиликларни музоқаралар йўли билан хал қилиш имқонияти бўлмаган тақдирда улар Ўзбекистон Республикасининг иқтисодий суди орқали хал қилинади.

XXII. ЯҚУНИЙ ҚОИДАЛАР

23.1. Мазкур Ўстав Ўзбекистон Республикасининг қонун ҳужжатларида белгиланган тартибда давлат рўйхатига олинган вақтдан бошлаб қўчга қиради.

23.2. Мазкур Ўстав билан тартибга солинмаган масалалар ёки бошқа ҳоллар назарда тутилмаган бўлса, Ўзбекистон Республикасининг амалдаги қонун ҳужжатларига мувофиқ тартибга солинади.

От имени Единственного участника
ООО «JIZZAN AVTOMOBIL ZAVODI»,
Управляющий директор
ООО «Uz Auto Commercial Vehicles
Management»



Мухитдинов А.А.

